

Na osnovu člana 15. stav (4) i člana 16. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08), Visoko sudsko i tužilačko vijeće Bosne i Hercegovine, na sjednici održanoj 17. jula 2019. godine, usvojilo je

**PRAVILNIK  
O IZMJENAMA I DOPUNAMA PRAVILNIKA O  
KARAKTERU I SADRŽAJU JAVNOG KONKURSA ZA  
POPUNJAVANJE RADNIH MJESTA DRŽAVNIH  
SLUŽBENIKA U VISOKOM SUDSKOM I TUŽILAČKOM  
VIJEĆU BOSNE I HERCEGOVINE**

Član 1.

U Pravilniku o karakteru i sadržaju javnog konkursa za popunjavanje radnih mjesta državnih službenika u Visokom sudskom i tužilačkom vijeću BiH ("Službeni glasnik BiH", broj 13/17), u članu 7. iza stava (1) dodaje se novi stav (2) koji glasi:

"(2) Prijavni obrazac sadrži: jedinstveni matični broj, kontakt informacije kandidata (telefon, mobitel, faks, e-mail, adresu), naziv konkursa, naziv radnog mjesta iz teksta oglasa, ime, ime roditelja i prezime, djevojačko prezime, pol, obrazovanje kandidata (početak i završetak, zvanje i naziv visokoškolske ustanove, grad i država), ispit profesionalne nadogradnje (postojanje i vrsta ispita), nacionalnost (opciono – dobrovoljno), radno iskustvo (početak i završetak, naziv i adresa poslodavca, naziv radnog mjesta, opis radnih zadataka, ukupan period radnog angažmana, broj podređenih, razlozi napuštanja posla), ukupno radno iskustvo nakon sticanja VSS, odnosno visokog obrazovanja, strani jezici (naziv jezika, govor, čitanje i pisanje), služenje računarom, napomenu za kandidate, izjave (kojim kandidat potvrđuje ispunjavanje zakonskih uslova, uslova oglasa, saglasnost za obradu svih navedenih ličnih podataka, saglasnost o načinu obavještanja, te izjavu da podaci u obrascu sami za sebe ne predstavljaju dokaz), datum prijave i potpis kandidata." Dosadašnji st. (2), (3), (4), (5) i (6) postaju novi st. (3), (4), (5), (6) i (7).

Član 2.

U članu 8. stav (2) mijenja se i glasi:

"(2) Univerzitetom diplomom, odnosno ovjerenom kopijom univerzitetske diplome dokazuje se i ispunjavanje posebnih uvjeta u pogledu stručne spreme."

U stavu (3) riječi "prethodnog stava" zamjenjuju se riječima: "st. (1) i (2)".

Član 3.

Iza člana 21. dodaje se novi član 21a. koji glasi:

"Član 21a.

(Prava i dužnosti članova komisije za izbor za vrijeme provođenja stručnog ispita)

(1) Neposredno prije početka rada komisije za izbor, sekretar komisije zadužen za provođenje javnog konkursa dužan je

članove komisije upoznati o djelokrugu rada, pravima, obavezama i odgovornostima komisije za izbor u provođenju stručnog ispita prema odredbama čl. 24., 25. i 27. Zakona, kao i sa odredbama Odluke i ovog pravilnika, odnosno drugog relevantnog propisa, naglašavajući da moraju biti nezavisni i nepristrani u provođenju javnog konkursa, kako je propisano odredbama člana 24. stav (1) Zakona.

- (2) Za vrijeme utvrđivanja pitanja za pismeni dio stručnog ispita po pravilu do početka provođenja pismenog dijela stručnog ispita, kao i za vrijeme utvrđivanja pitanja za usmeni dio stručnog ispita (intervju), članovi komisije ne mogu napuštati prostoriju i koristiti tehnička sredstva komunikacije, osim iz objektivnih razloga, uz konsultaciju sa sekretarom komisije i uz pismenu konstataciju koja sadrži ime člana komisije koji je napustio prostoriju, razlog napuštanja prostorije, vrijeme odsustvovanja i dr.
- (3) Način rada i odlučivanja, uključujući i održavanje sjednica komisije za izbor, detaljno se regulišu poslovnikom o radu koji komisija za izbor usvaja na osnovu ovlaštenja iz člana 24. stav (3) Zakona.
- (4) Pismeni dio stručnog ispita ne predstavlja sjednicu komisije za izbor, te istom po pravilu ne prisustvuju članovi komisije. Komisija za izbor može odlučiti da jedan ili više članova komisije prisustvuju polaganju pismenog dijela stručnog ispita, ili njegovom određenom dijelu.
- (5) Pismenom dijelu stručnog ispita obavezno prisustvuje sekretar komisije, odnosno druga ovlaštena osoba, koja ga zamjenjuje."

Član 4.

U članu 35. u stavu (3) interpunkcijski znak "zarez" i riječi: "koji čini sastavni dio ovog pravilnika", brišu se.

Član 5.

U članu 44. iza stava (3) dodaju se novi st. (4) i (5) koji glase:

- "(4) Ukoliko komisija za izbor na intervjuu provjerava znanje više od pet kandidata za radno mjesto nerukovodećeg državnog službenika, umjesto Obrasca 1 za svakog kandidata, može koristiti Zbirni obrazac 3 (prilog 4 ovog pravilnika).
- (5) Prilozi 1, 2, 3 i 4 ovog pravilnika predstavljaju anekse pravilnika i čine njegov integralni dio."

Član 6.

U članu 49. riječi ("Službeni glasnik BiH", broj 63/16)" i riječi ("Službeni glasnik BiH", br. 96/07, 43/10 i 103/12) brišu se.

Član 7.

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 14-02-2-2524/2019

17. jula 2019. godine

Sarajevo

Predsjednik  
**Milan Tegeltija**

**PRILOG 4**

**ZBIRNI OBRAZAC 3**

Obrazac za ocjenjivanje kandidata za radna mjesta nerukovodećih državnih službenika za usmeni dio stručnog ispita – intervju

Ime i prezime člana komisije: \_\_\_\_\_

Institucija: \_\_\_\_\_

Radno mjesto: \_\_\_\_\_

Datum: \_\_\_\_ / \_\_\_\_ / \_\_\_\_ **Naziv prioritetne kompetencije:** \_\_\_\_\_

rb	Ime i prezime kandidata:	I	II (1+2)		(I + II)	Komentari fakultativni: Ključne prednosti kandidata/ Primijećeni nedostaci:
		Ocjena znanja (0-10):	1. Komunikacija (0-10)	2. Prioritetna kompetencija (0-10)	Ukupan broj bodova ostvarenih na intervjuu: (0-30)	
			Ukupna ocjena za kompetencije (0-20)			
1						
2						
3						
4						
5						
6						

Potpis člana komisije \_\_\_\_\_

Obrazac proširiti po potrebi u editoru teksta.